

脈因證治

三

中國醫學大成第七集

內科類

脈因證治

三

上海大東書局印行

脈因證治

元 金華 朱丹溪震亨撰著

鄞縣 曹赤電炳章圈點

卷二

一二十八宿食留飲

附痰

脈。寸口脈浮大。按之反澀。尺中亦微而澀。故有食痰。寸口脈緊如轉索。左右無常者。有宿食。脈滑而數者。實也。有宿食當下之。脈浮而滑者。宿食下利不欲食者。宿食。脈沉病若傷寒者。宿食留飲宜下之。脈短疾而滑者。酒病。脈浮細而滑者。傷飲。因飲食自倍。腸胃乃傷。復加之則胃化遲難。故宿食留飲。飲水也。無形之氣也。因而大飲則氣逆。形寒飲冷則傷肺。病則為咳滿水泄。重而為蓄積。食者物也。有形之血也。因而食飽。筋脈橫解。腸澀為重。或嘔或吐或下利。

證治。千金云。胃中有癖。食冷物則痛。不能食。有熱物則欲食。大腹有宿食。卽寒凜發熱如瘧狀。小腹有宿食。當暮發熱。明旦復止。

三因云。有飲在中脘則嘈。有宿食則吞酸。

李論。戊己火衰。不能制物。食則不消。傷其太陰。填塞悶亂。凡凡欲吐。甚則心胃大痛。犯其血也。治宜分寒熱輕重。如初得上部有脈。下部無脈。其人當吐。不吐卽死。宜瓜蒂散。輕則內消。縮砂炒麴等是也。重則除下。承氣湯是也。寒則溫之。半夏乾薑三稜莪朮是也。熱則寒之。大黃黃連枳實麥芽是也。飲則下行。或大飲而氣逆。或寒冷而傷肺。病則喘咳痰涎水腫。輕則宜取汗利小便。使上下分消其溼。解醒湯五苓散。半夏朮枳殼之類是也。重則爲蓄積爲滿者。三花神祐是也。

張論。飲食不消。分貧富而治之。富者乃膏粱太過。以致中脘停留。脹閉痞膈。醉心宜木香導飲丸主之。貧者乃動作過勞。飲食粗酒食傷之。以致身腹滿悶。時吐酸水。宜進食丸主之。又有重者。病證同太陰傷寒。止脈沉。可與導飲丸治之。

又論留飲蓄水而已。雖有四有五之說。止一證也。夫鬱憤而不伸。則肝氣乘脾之氣而不流。亦爲留飲。肝主慮。久不決。則氣不行。脾主思。久則脾結。亦爲留飲。因飲水脾胃失衰。不能布散。亦爲留飲。飲酒過多。胞經不及滲洩。亦爲留飲。渴飲冷水。乘快過多。逸而不動。亦爲留飲。夫水者。陰物也。但積水則生溼。停酒則滿燥。久而成痰。左脇同肥。氣右脇同息。貫上入肺則嗽。下入大腸則瀉。入腎則涌。在太陽爲支飲。皆內氣逆得之。故溼在上者。目黃面浮。在下者。股膝腫滿。在中者。支飲痞膈痰逆。在陽不去。久而滯氣。在陰不去。久而成形。宜治以導水。禹功。調以五苓葶藶椒目。逐水爲全矣。

有傷西瓜冷水羊乳寒溼之物。宜

白朮二錢

川烏五分

防風一錢

丁香一枚

甘草一錢

傷羊肉麵溼熱之物。宜

白朮

黃芩

黃連各七錢

大黃二錢

甘草五分

如心下痞枳實。

腹痛白芍藥一錢

腹脹厚樸。

胸中不利枳殼。

胸中寒陳皮。

渴者白茯苓。

腹中窄蒼朮。

體肢沉重蒼朮。

大抵傷冷物。以巴豆爲君。

傷熱物。以大黃爲君。

檳榔丸

治傷之輕者。飲食不化。心腹鼓脹。

出劉。

檳榔二錢

陳皮

八錢

牽牛頭末四錢

酢糊丸。梧子大。薑湯下二十丸。

雄黃丸

治傷之重。脇肋虛脹者。

雄黃一兩

巴豆

五錢

生丸服。

法同心痛。

瓜蒂散

主吐心胸卒痛悶亂。急以治之。

瓜蒂

赤小豆

各三錢

細末之。每服一錢。溫酒下。

枳實丸

治傷食。

枳實半兩

白朮

一兩

麴丸

木香

檳榔

青皮

大黃

黃芩

黃連

此三味氣滯加之。
此三味溼熱加之。

蘿蔔子

黃連

澤瀉

伏溼痞悶加之。

梔子

病後食傷加之。

半夏

豆粉

溼麵油膩加之。

草豆蔻

稜莪

傷冷硬加之。

乾薑

傷水加之。

縮砂

丁香

心胃痛加之。

人參

傷胃加之。

解醒湯

治傷酒。

白豆蔻

砂仁

生薑

葛花

各半兩

白茯苓

猪苓去皮

陳皮去白

人參

白朮

各半兩

青皮三錢

神麴炒

澤瀉各二錢五分

木香五分

右爲末。白湯送下。

秘方 治胃中有物惡食。

二陳湯加

白朮

山查

川芎

蒼朮

神麴炒

神祐丸 治留飲懸飲脈弦。又治脈伏。其人欲自利。難利。心下續堅滿。

此爲留飲欲去故也。

茯苓桂朮湯 治心下有痰飲。胸脇支滿。目眩。

茯苓

當桂

白朮

甘草

大青龍湯

治溢飲體痛。當發其汗。

麻

黃七錢

當桂

甘草

各二錢五分

石

膏雞子大

杏仁

半夏溼加

澤瀉湯 治心下有支飲。其人苦冒眩。支飲不得息。加葶藶棗。

樸黃湯

治支飲胸痛。

大黃

厚

樸各等分

二陳湯

小半夏湯

治嘔家本渴。今反不渴。心下有支飲故也。治先渴。

卻嘔水。停心下。此屬飲。加茯苓。

五苓散

治瘦人臍下有悸者。吐涎沫而顛眩水也。亦治停痰宿水。

破飲丸

治五飲結爲癰瘕。支飲胸滿吐逆。心內隱痛。大能散氣。

草撥

胡椒

丁香

宿砂

青皮

烏梅

木香

蝎梢

巴豆去油

以青皮同巴

豆浸漿水一宿。漉出同炒青皮焦去豆。將浸水淹烏梅肉炊一熟飯。研細爲膏。薑湯送下五七丸。

控涎丹。治患胸背手足頸項腰膝隱痛不忍。連筋骨牽釣痛。坐臥不安。時走易。

甘遂

大戟紅牙

白芥子真

右粉丸。梧子大。白湯送下。

痰飲證狀。或咳或喘。或嘔或泄。眩暈嘈煩。忪悸愼懣。寒熱疼痛。腫滿攣癖。癰閉痞膈。如風如癩。懸飲者。水飲在脇下。咳唾引痛。溢飲者。飲水流於四股。當汗不汗。身體疼痛重。支飲者。嘔逆倚息短氣不得臥。其形如腫。痰飲者。其人素盛今瘦。腸間漉漉有聲。留飲者。背寒如手大。或短氣而渴。四肢歷節疼痛。脇下痛引缺盆。伏飲者。膈滿咳喘嘔吐。發則寒熱。腰背痛。目淚惡寒。振振然。懸飲當下。溢飲當汗。支飲隨證汗下之。痰飲宜溫之。從小便去之。

論繫氣

證。夫繫飪之邪。從口入者。宿食也。其病煩痛。畏風憎寒。心腹脹滿。下利不欲食。吞酸噫宿腐氣。或腹脹泄瀉。及四肢浮腫。若胃實熱。食反留滯。其脈滑而數。宜下之愈。

若脾虛。其脈浮大。按之反濇。尺中亦微濇。宜溫消之。

木香丸

木香

硃砂

蓬朮

胡椒

半夏

乾漆

炒令烟盡各五錢

桂心

宿砂

青皮各三錢

附子

炮去皮臍

三稜醋炙

乾薑各一兩

右末蜜丸。梧子大。每服五十九。薑湯下。

感應丸

肉豆蔻

川芎

百草霜各二兩

木香

香五錢

萆澄茄

丁香

三稜各一兩

巴豆去百粒皮

螞蟥

四兩

杏仁去百粒皮

右除巴豆外。爲末。以下別研。巴豆杏仁和勻。先將油煎螞蟥溶化。傾出藥末內。

和成劑。入白內杵千餘下。丸菴豆大。每服三五丸。白湯下。又外有酢咽。榮氣思膈。皆同。

二十積聚

脈來細而附骨乃積。寸口積在胸。關上積在臍傍。尺中積在氣衝。左積左。右積

右。脈兩出。積在中央。

浮而毛。按之辟易。脇下氣逆。皆相引痛。名肺積。

浮而芤。上下無常處。胸滿悸。腹中熱。名心積。

弦而細。兩脇下痛。邪走心下。足腫寒。名肝積。

沉而急。苦脊與腰相引痛。飢見飽減。名腎積。

浮大而長。飢減飽見。腹滿泄嘔脰腫。名脾積。

寸口沉而結。駢而緊。積聚有繫痛。脈弦細微者。爲癥橫脇下。及腹中有橫積。

脈弦腹中急痛爲瘕。脈細而沉時直者。身有癰腫。若腹中有伏梁。脈沉

小而實者。胃有積聚不下食。食則吐。脈沉而緊者。若心下有寒時痛。有積聚。

關上脈大而尺寸細者。必心腹冷積。遲而滑中寒有癥。脈弦而伏。腹中有癥。不可轉也。死。脈緊強急者生。虛弱者死。沉者死。

因。脛寒厥氣。則血脈凝滯。寒氣上入腸胃。所以腹脹。腹脹則腸外之汁沫。迫聚不得散。日以成積。

又盛食多飲。起居過度。腸胃之絡傷。則血溢于腸外。腸外有寒汁沫。與血相搏。則氣聚而成積。

又外中于寒。內傷于憂怒。氣則上逆。上逆則六腑不通。濕氣不行。凝血蘊裏。津液凝滯。滲着不去而成積。又生于陰。蓋憂思傷心。重寒傷肺。忿怒傷肝。醉以入房。汗出當風傷脾。用力過度。入房汗出入浴傷腎。皆臟氣不平。凝血不散。汁沫相搏。蘊結而成積矣。

又有食積。酒肉積。水積。涎積。血積。氣積。皆因偏愛停留不散。日久成積塊。在中爲痰飲。在右爲食積。在左爲血積。

證。蓋積聚之源則一。其在臟者。始終不移爲積。其在腑者。發痛轉移。隨氣結束爲聚。積者系于臟。聚者系于腑。癥者系于氣。瘕者系于血。

肝之積名肥氣。在左脇下。如覆盆。發咳逆痰瘧。連歲不已。其中有血。肝主血故也。

心之積名伏梁。起臍下。大如臂。上至心下。令人煩心。有大膿血。在于鬲胃之外。肺之積名息貫。在右脇下。大如杯。灑淅寒熱。喘咳肺壅。貫者貫門也。積在肺下。有貫門。

脾之積名痞氣。在胃脘。大如盤。四肢不收。黃疸。飲食不爲肌。痞者濕也。食冷其人傷氣。爲濕所蓄。

腎之積名奔豚。發于小腹。上至心。下若豚狀。上下喘逆骨疼。

病在六腑。太陽利清氣。陽明泄濁氣。少陽化精氣。失常則壅聚不通。故實而不轉。虛則輸屬陽無形。隨氣往往。在上則格。在下則脹。傍攻兩脇。如有泥塊。易於轉變。故名曰聚。又有息積者。乃氣息痹滯於脇下。不在臟腑營衛之間。積久形成。氣不干胃。故不妨食。病者脇下滿。氣逆息難。頻歲不已。名曰息積。

治法。寒者熱之。結者散之。客者除之。留者行之。堅者削之。消者摩之。鹹以裏之。苦以瀉之。全真氣以補之。隨所利而行之。酒肉食等積。以所惡者攻之。以所喜者

誘之。

五積丸 治積塊。

黃連 肝腎五錢 心脾一兩半 脾七錢

川烏 肝脾五錢 腎一錢

人參 肝肺腎二錢 心五錢

另研巴豆旋入和勻。煉蜜丸。梧子大。微溏爲度。

肝積加柴胡二兩。皂角二錢五分。川椒四錢。昆布二錢。莪朮三錢五分。

心積加茯苓三錢。肉桂一錢。茯苓一錢。丹參一錢。菖蒲五錢。

肺積加桔梗一錢。紫苑一錢五分。天門冬一錢。三稜一錢。青皮一錢。陳皮一

錢。川椒一錢五分。白豆蔻一錢。

腎積加玄胡三錢。苦練肉三錢。全蝎一錢。附子一錢。澤瀉二錢。獨活三錢。肉

桂三錢。菖蒲二錢。丁香五錢。

脾積加吳萸二錢。澤瀉一錢。茵陳二錢。宿砂一錢。川椒五錢。

秋冬加製樸一倍。減苓連服。人覺熱加連。覺悶亂加桂。氣短減樸。又有虛人不

厚樸 肝心脾五錢 肺胃入錢

巴豆霜 五分

乾薑 心肝五分 腎一錢

茯苓 五分

可直攻。以蠟置其藥。又且久留磨積。

肉積。礪砂。水銀。阿魏。酒積。神麴。麥芽。血積。虻蟲。水蛭。桃仁。大黃。氣積。檳榔。木香。水積。甘遂。牽牛。芫花。涎積。雄黃。膩粉。食積。礞石。巴豆。癖積。三稜。莪朮。魚鮮積。陳皮。紫蘇。草果。丁香。桂心。寒冷成積。附樸。硫磺。

化氣湯 治息積癖於腹脇之下。脹滿。瘀痛。嘔吐酸水。

宿砂 肉桂 木香錢各一 甘草炙 茴香炒

丁香 青皮炒 陳皮五錢 生薑 沉香

胡椒錢各一

右爲末。薑紫蘇湯。鹽酒調二錢一分。

散聚湯 治久氣六聚。狀如癥瘕。隨氣上下。發作有時。心腹絞痛。攻刺脇

腰。喘咳滿悶。臌脹。

半夏 檳榔 當歸錢各三 陳皮 杏仁

肉桂錢各二 茯苓 甘草 炮附 川芎

枳殼 吳萸 厚樸製錢各一 大黃加便祕

三聖膏 貼塊

石 灰未化者半斤瓦器炒令

大 黃微炒候涼入桂

又方 大 黃

桂 心半兩末略炒醋熬
樸 硝各一兩末

大蒜搗膏貼之亦佳。

張法無憂散 治諸積不化。

桂苓白朮散調之。

茶調散 治沉積水氣。

木香檳榔丸調之。

千金硝石丸 止可磨塊。不令困人。須量虛實。

硝 石六兩 大 黃半斤 甘 草 人 參各三

右爲末。以三年苦酒即好三升。置筒中。以竹片作三片刻。先納大黃。攪使微沸盡一刻。乃下餘藥。又盡一刻。微火熬膏。丸梧子大。每服三十丸。

消塊丸 此必審確可用。